

ՀԱՅԿԱԿԱՆ ՍՍՀ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ
ՏԱՐԵԿԱՆ ԸՆԴՀԱՆՈՒՐ ԺՈՂՈՎՐ

Մարտի 26—27-ը ՀՍՍՀ գիտությունների ակադեմիայի նիստերի դահլիճում տեղի ունեցավ հանրապետության գիտությունների ակադեմիայի տարեկան ընդհանուր ժողովը, որը քննարկեց ակադեմիայի 1974 թ. աշխատանքի արդյունքները և այն խնդիրները, որ գիտնականները լուծելու են հնգամյակի եզրափակիչ տարում:

Ժողովը ներածական խոսքով քաջեց Հայկական ՍՍՀ գիտությունների ակադեմիայի պրեզիդենտ Վ. Հ. Համբարձումյանը: Նա ասաց, որ 1974 թ. ակադեմիական հիմնարկները կարևոր աշխատանքներ են կատարել՝ մասնակցելով, մասնավորապես, տիեզերական հետազոտությունների անցկացմանը և դրանց արդյունքների մշակմանը, ժողովրդական տնտեսության տարրեր ճյուղերի համար նոր նյութերի ստեղծմանը: Բյուրականի աստղադիտարանում ավարտված է նոր հեռադիտակի մոնտաժումը, որի հայելու տրամագիծը 2,6 մետր է: Հանրապետության կյանքում մեծ իրադարձություն էր Հայկական սովետական հանրապետության առաջին հատորի լույս ընծայումը: Միաժամանակ Վ. Համբարձումյան ընդգծեց, որ ակադեմիայի առջև դեռևս չլուծված շատ պրոբլեմներ են կանգնած. բոլոր ինստիտուտներում և լաբորատորիաներում չէ, որ հետազոտությունների մակարդակը համապատասխանում է այսօրվա պահանջներին, դրանց աշխատակիցները քիչ են հոգ տանում իրենց որակավորումը բարձրացնելու, գիտելիքները հարստացնելու և մտահորիզոնն ընդլայնելու մասին, բավականաչափ չհազարգավածություն չեն ցուցաբերում գիտական նախագծումները պրակտիկայում ներդնելու հարցում:

Այնուհետև պրեզիդենտը խոսեց այն մասին, որ վերջին տարիներին զգալիորեն ամրապնդվել է հանրապետության գիտական հիմնարկների կապը միևնույն ժամանակների և գերատեսչությունների հետ: Տարեցտարի ընդլայնվում են նաև ակադեմիայի միջազգային կապերը. հայ գիտնականները գիտական սերտ համագործակցություն են հաստատել մի շարք արտասահմանյան երկրների հետազոտական կենտրոնների հետ:

Պրեզիդենտի ներածական խոսքից հետո մի խումբ գիտնականների հանձնվեցին Հայկական ՍՍՀ գիտությունների ակադեմիայի պարգևները՝ Մեծարման գրերը, Վաստակագրերը և Գովեստագրերը:

Ընդհանուր ժողովում Հայկական ՍՍՀ գիտությունների ակադեմիայի գործունեության 1974 թ. հիմնական արդյունքների մասին զեկուցումով հանդես եկավ ակադեմիայի նախագահության ղեկավար գիտական քարտուղար, ակադեմիայի թղթակից-անդամ Ս. Ա. Բակունցը: Նա հանգամանորեն անդրադարձավ ակադեմիայի նախագահության, նրա բաժանմունքների, գիտական խորհուրդների և հանձնաժողովների աշխատանքին, գիտական հետազոտությունների պլանավորման և մոտակա տարիներին դրանց արդյունքները պրակտիկայում ներդնելու, ինչպես նաև Հայաստանի բնության պահպանության ու ռաջիոնալ օգտագործման հետ կապված խնդիրներին: Վերջում նա խոսեց կադրերի պատրաստման, գիտական նստաշրջանների, կոնֆերանսների և գիտաժողովների կազմակերպման հետ կապված հարցերի մասին:

Զեկուցման շուրջը ծավալված մտքերի փոխանակությանը մասնակցեցին Հայկական ՍՍՀ գիտությունների ակադեմիայի ակադեմիկոսներ Ա. Բ. Նալբանդյանը, Մ. Պ. Աղայանը, Հ. Գ. Մաղաբյանը և Ա. Գ. Նազարովը. թղթակից-անդամներ Ս. Հ. Վարդանյանը և Գ. Ա. Գալուսյանը:

Հայկական ՍՍՀ գիտությունների ակադեմիայի պրեզիդենտի լիազորությունների ժամկետը լրանալու կապակցությամբ ընդհանուր ժողովում ընտրություններ անցկացվեցին: Չորս տարի ժամկետով ակադեմիայի պրեզիդենտ վերընտրվեց ակադեմիկոս Վ. Հ. Համբարձումյանը:

Ընդհանուր ժողովի եզրափակիչ նիստում կենդանական աշխարհի էվոլյուցիայի տարրեր փուլերում զխուղեղի զարգացման հարցերին նվիրված զեկուցումով հանդես եկավ ՍՍՀՄ գիտությունների ակադեմիայի և Հայկական ՍՍՀ գիտությունների ակադեմիայի թղթակից-անդամ Ա. Ի. Քարամյանը:

Գիտությունների ակադեմիայի բաժանմունք-

ների նիստերում, որոնք տեղի ունեցան մարտի 24—25-ը, քննարկվեցին բաժանմունքների գիտական հիմնարկների 1974 թ. գործունեության հիմնական արդյունքները:

Ակադեմիայի տարեկան ժողովին մասնակցում էին ՀԿԿ Կենտկոմի առաջին քարտուղար Կ. Դեմիրճյանը, հանրապետության Կերպողուն

սովետի նախագահության նախագահ Ն. Հարությունյանը, Կենտկոմի քարտուղարներ Ս. Թովմասյանը և Հ. Ոսկանյանը, ՀԿԿ Երևանի քաղաքային կոմիտեի առաջին քարտուղար Լ. Ղարիբջանյանը:

Ա. ՍԻՄՈՆՅԱՆ